

Zbirka medijskih objava

VladaBrckoDistrikta_kliping_dnevno,
za razdoblje 4. 8. 2019

Broj objava: 8

Internet: 3

Televizija: 1

Štampa: 4

Teme praćenja:

Vlada Brčko Distrikta: 1

Gradonačelnik Brčko ...: 0

Skupština Brčko Distrikta: 0

Brčko: 7

Vlada Brčko Distrikta:

Štampa	Naslov	Smjernice za Pravilnik		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 9	Površina: 23 cm ²
	Rubrika, Datum	Teme; 4. 8. 2019		
Stranica u zbirci: 4	Autor	Unknown		
	Teme	Vlada Brčko Distrikta		

Brčko:

Internet	Naslov	Knjiga "Očevidad - Moj put u Hag" bivšeg logoraša Isaka Gašija je historija iz prve ruke		
Serijski br. 1	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 3. 8. 2019		
Stranica u zbirci: 6	Autor	FENA		
	Teme	Brčko		

Internet	Naslov	U Sarajevo doputovala prva smjena finalista Sportskih igara mladih		
Serijski br. 2	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 3. 8. 2019		
Stranica u zbirci: 8	Autor	E. B.		
	Teme	Brčko		

Televizija	Naslov	Savska regata ove godine okupila oko 200 plovila		
Serijski br. 3	Medij; Doseg	Radio Televizija Federacije Bosne i Hercegovine; , Bosna i Hercegovina	19:30	Trajanje: 2 min
	Rubrika, Datum	Dnevnik; 3. 8. 2019		
Stranica u zbirci: 9	Autor	Đurđević Bajić Ivana		
	Teme	Brčko		

Štampa	Naslov	Vjetar čupao stabla, oštećeni auti, a naselja ostala bez struje		
Serijski br. 4	Medij; Doseg	Dnevni avaz; 50.000, Bosna i Hercegovina	Stranica: 4	Površina: 217 cm ²
	Rubrika, Datum	Aktuelno; 4. 8. 2019		
Stranica u zbirci: 10	Autor	A.Čengić		
	Teme	Brčko		

Štampa	Naslov	Više od 200 plovila na Savskoj regati		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 10	Površina: 224 cm ²
	Rubrika, Datum	Mozaik; 4. 8. 2019		
Stranica u zbirci: 11	Autor	L. J. L. J.		
	Teme	Brčko		

Internet	Naslov	Za sedam mjeseci u BiH uplaćeno 4,5 milijardi KM indirektnih poreza, 6,8 posto više nego 2018.		
Serijski br. 6	Medij; Doseg	Klix.ba; 1.524, Bosna i Hercegovina		
	Rubrika, Datum	Ostalo; 4. 8. 2019		
Stranica u zbirci: 12	Autor	FENA		
	Teme	Brčko		

Štampa	Naslov	Održan najšareniji festival u BiH		
Serijski br. 7	Medij; Doseg	Oslobodjenje; , Bosna i Hercegovina	Stranica: 19	Površina: 340 cm ²
	Rubrika, Datum	Ostalo; 4. 8. 2019		
Stranica u zbirci: 13	Autor	Sekulić Mirela		
	Teme	Brčko		



Knjiga "Očevdac - Moj put u Hag" bivšeg logoraša Isaka Gašija je historija iz prve ruke

Knjiga "Očevdac - Moj put u Hag", koautorski rad bivšeg logoraša i sportske legende, poznatog kajakaškog reprezentativca Jugoslavije Isaka Gašija te američkog historičara Shaun Koosa, koja je važan dokument i svjedočenje o počinjenim zločinima u zloglasnom logoru Luke u **Brčkom**, bit će predstavljena 7. augusta u Bošnjačkom institutu Fondacija Adila Zulfikarpašića.

Knjiga "Očevdac - Moj put u Hag", koautorski rad bivšeg logoraša i sportske legende, poznatog kajakaškog reprezentativca Jugoslavije Isaka Gašija te američkog historičara Shaun Koosa, koja je važan dokument i svjedočenje o počinjenim zločinima u zloglasnom logoru Luke u **Brčkom**, bit će predstavljena 7. augusta u Bošnjačkom institutu Fondacija Adila Zulfikarpašića.

Gaši je kanuist koji je duže od deset godina predstavljao Jugoslaviju na međunarodnim takmičenjima. Rođen je u **Brčkom** 1957. godine, u 18. godini bio je juniorski prvak Jugoslavije te je dva puta učestvovao na evropskom prvenstvu za juniore. U seniorskoj konkurenciji, Gaši je pet puta bio prvak Jugoslavije te član reprezentacije na svjetskom prvenstvu u maratonu 1992.

Početkom rata uhapšen je i odveden u Luku, logor smrti, jednom od najstrašnijih mučilišta u BiH u kojem su zatočenike, uz ostale, zvjerski mučili Goran Jelić poznatiji kao "srpski Adolf" i njegova djevojka Monika Karan Ilić.

Gaši je bio i jedan od krunskih svjedoka optužbe pred Međunarodnim sudom za ratne zločine u Hagu, svjedočio je šest puta i to u slučajevima: Tadić, Stanišić i Župljanin, Milošević, Karadžić, Krajšnik i Šešelj.

Ugledni američki časopis "Kirkus Reviews" ocijenio je da je to djelo značajna, moćna i upozoravajuća priča o nacionalizmu.

Profesor filozofije i studija za proučavanje holokausta i genocida s američkog Southern Connecticut State Univeziteta David Pettigrew podsjetio je u izjavi za Fenu na dio predgovora ove knjige koji je napisao, gdje je naveo da je ova knjiga djelo hrabrosti, herojski testament zavještano vremenu da pripovijeda o volji Isaka Gašija da preživi i da kaže istinu o genocidu, o zločinima protiv čovječnosti i o drugim ratnim zločinima počinjenim nad bosanskim muslimanima i drugim nesrbima u Bosni i Hercegovini u periodu od 1992. do 1995. godine.

Akademik Ferid Muhić ocijenio je u predgovoru da knjiga predstavlja literaturu najvišeg ranga, ali i arhivski dokument, detaljan i veoma značajan opis isječka historije, rentgenski snimak izopačene stvarnosti u **Brčkom** tokom prvih sedmica agresije na Bosnu i Hercegovinu.

"Knjiga nije uputstvo kako da se spriječi veliko zlo, već opomena da veliko zlo nikad nije daleko, da vreba danju i noću, jer uvijek ima onih koji neprestano snuju podle kolektivne zločine u ime kolektivnih nacionalističkih aspiracija. To je ono što se neće moći iskorijeniti još dugo", objasnio je.

Profesor emeritus Michael C. Steiner istakao je da je "Očevidad" očaravajuća knjiga, dobro ispričana priča, historija iz prve ruke.

Drugi autor, Shaun Koos, bivši član američkog kajakaškog tima te bivši sekretar Američkog kajak/kanu udruženja, tokom veslačke karijere je upoznao Isaka Gašija. Njegov primarni interesi kao pisca su historijska biografija, i istraživanje motivacije, mentaliteta te postupaka osoba koje se susreću ili prolaze kroz velike izazove.



U Sarajevo doputovala prva smjena finalista Sportskih igara mladih

Finalisti 9. BH Telecom Sportskih igara mladih doputovali su jutros u Sarajevo iz svih krajeva Bosne i Hercegovine.

Finalisti 9. BH Telecom Sportskih igara mladih doputovali su jutros u Sarajevo iz svih krajeva Bosne i Hercegovine.

Takmičenja Igara su u prethodnom periodu održana u 38 bh. gradova, a prvoplasirani pojedinci i ekipe predstavljat će svoje gradove, te se boriti za titulu najbolji u državi kao i plasman na Međunarodno finale Igara u Splitu na kojem će učestvovati njihovi vršnjaci iz Srbije i Hrvatske.

Najmlađi su spremni za takmičenja, ali i za sjajno druženje, s obzirom da će Grad Sarajevo narednih pet dana biti centar sporta i mladosti te glavno okupljalište djece i mladih iz cijele Bosne i Hercegovine. U 2019. godini na Igrama je učestvovalo više od 50.000 dječaka i djevojčica iz svih dijelova države, a 1.950 najboljih će biti dio Velikog finala u Sarajevu.

"U Doboju nam je bilo super na Igrama i uprkos stvarno jakim ekipama uspjeli smo ostvariti plasman na finale u Sarajevu. Mislim da je ovdje stvarno velika konkurencija i da će se svi boriti za odlazak u Split ali najvažnije nam je da se zabavimo i družimo", istakao je Danijel Milanović, kapiten ekipe ŠF Rudanka Doboj.

Mališanima će pored takmičenja biti upriličen i poseban program u vidu zabavno-edukativnih radionica, obilazak glavnog grada i svih znamenitosti u saradnji sa kompanijom Centrottrans-Eurolines te domaćinima Igara, Gradom Sarajevo i Turističkom zajednicom Kantona Sarajevo - Visit Sarajevo. Također, Igre i ove godine u saradnji sa Košarkaškim savezom BiH i uz finansijsku podršku USAID-a, implementiraju projekat "Fer igra za fer djetinjstvo" te u duhu toga svi mališani su obećali fer plej na terenima.

"Prošle godine smo u Sarajevu osvojile treće mjesto na Velikom finalu. Nadam se da ćemo ove godine biti još bolje. Od finala, pored dobrih rezultata i fer pleja, očekujem vidjeti neke stare prijatelje koje sam upoznala prošle godine na Igrama i super zabavu", rekla je Lejla Spahić, kapiten košarkaške ekipe Vitez iz Viteza.

U saradnji sa specijalnim partnerom Igara, Olimpijskim komitetom BiH po kome ovo finale i nosi simboličan naziv, djevojčice i dječaci će zajedničkim snagama učiti o načelima olimpizma ali i sporta te obići Olimpijski muzej u Sarajevu.

Takmičenja u košarci u okviru Kinder+Sport Cupa počinju danas u 16:30 sati u dvorani Gimnazije Dobrinja i Pete gimnazije u Sarajevu, dok će svi zainteresovani, takmičenja u okviru Poli Cupa, takmičenja u nogometu za mlađu kategoriju 2008. godište i mlađi, moći pratiti u Dvorani Mojmilo od 16 sati.

Nogometne utakmice za kategoriju 2004. godište i mlađi u okviru Coca-Cola Cupa, održat će se sutra, 4. 8. 2019. godine u SRC u Halilovićima sa početkom 8:30 sati te je ulaz na sve terene potpuno besplatan.

"Osvojili smo Coca-Cola Cup u **Brčkom** i iskreno se nadamo da ćemo i u Sarajevu biti prvi ali najbitnije nam je da sve bude zabavno. Među finalistima su nam prijatelji iz Gračanice, a nadamo se da ćemo upoznati još više drugova i drugarica sa kojima

ćemo se družiti", izjavio je Aldin Šuvalić igrač ekipe GFC **Brčko** iz **Brčkog**.

Svečana dodjela medalja za državne predstavnike iz prve snjene finalista održat će se 4. 8. 2019.godine u 18:50 sati u Sportskoj dvorani na Mojmilu.

Država: Bosna i Hercegovina

Doseg:

[Indeks](#)

Trajanje: 02:00

[\(pogledaj\)](#)

1 / 1

Savska regata ove godine okupila oko 200 plovila



Savska regata ove godine okupila oko 200 plovila



Veliko nevrijeme poharalo Balkan

Vjetar čupao stabla, oštećeni auti, a naselja ostala bez struje

U Republici Srpskoj jučer ispaljeno 39 protugradnih raketa

Veliko nevrijeme jučer je poharalo Balkan. Oluje su najviše divljale u srednjoj i sjevernoj Dalmaciji, vjetar je čupao stabla, a na

Jadranu su oštećene desetine brodova. Građani su prijavili i pijavice, a zabilježeni su udari vjetra od 120 kilometara na sat.

ŽUTI

meteoalarm i dalje je upaljen za područje centralne, sjeverne i istočne Bosne, gdje se očekuje nevrijeme praćeno grmljavinom.

Nevrijeme nije zaočiglo ni BiH. Za svega sat, banjalučke ulice u večernjim su satima bile pod vodom, a u noći s petka na subotu u Sarajevu je snimljen „ples munja“. Osjetan je i pad temperature. U nekim dijelovima BiH zabilježene su i temperature



Na Jadranu oštećeno desetine brodova

do 15 stepeni niže nego dan ranije.

Zbog jake grmljavine bez struje su ostala naselja u Cazinu i Tomislavgradu. U nekoliko općina Republike Srpske tokom jučerašnjeg kišnog nevremena ispaljeno je 39 protugradnih raketa na području Prijedora, Bosanske Gradiške, Bijeljine, Brčko distrikta, Bosanske Dubice i Lopara.

U Srbiji je najkritičnije

bilo na jugu zemlje, gdje je drvo palo na muškarca, zbog čega je zadobio teške povrede kičme.

Što se tiče prognoze, do kraja avgusta očekuju nas visoke temperature. Već od sutra, temperature će opet porasti na 35 stepeni. Kako su najavili iz Federalnog hidrometeorološkog zavoda, do kraja mjeseca bit će povremenih pljuskova, ali bez znatnog pada temperatura.

A. ČENGIĆ



U noći s petka na subotu u Sarajevu je snimljen „ples munja“



Vlada Brčkog Smjernice za Pravilnik


► Vlada Distrikta Brčko odobrila je Smjernice za izradu nacrt pravilnika o izmjenama Pravilnika o postupku redovnog raspolaganja imovinom. Predloženo je 12 smjernica koje se odnose na nedostatke u postupku raspolaganja poljoprivrednim zemljištem.



Ni kiša nije pokvarila tradicionalno druženje

Više od 200 plovila na 'Savskoj regati'

Svi koji plove Savom vole rijeku, ribolov, šalu, rekao Petrović



Ovogodišnja dionica bila od Subotića do Rače

(Foto: G. Bobić)

Ni kiša nije spriječila održavanje tradicionalne "Savske regate", koja se svake godine organizira u okviru „Pantelinskih dana“ u Bijeljini. Savom je zaplovilo više od 200 plovila, a učesnicima regate iz Bijeljine i Semberije pridružili su se i "moreplovci" iz Brčkog, Sremske Rače, Beograda, Jame-

ne.

Među učesnicima je bilo i mnogo onih koji su iz Austrije, Njemačke i drugih evropskih zemalja došli da bi se družili i u izuzetno dobrom raspoloženju, uz muziku i šalu, plovili od skelskog prijelaza Subotića kod Crnjelova sve do Rače.

Milan Petrović iz

Sremske Rače svake godine učestvuje na „Savskoj regati“. Kaže da mu ne smetaju ni kiša ni oblačno vrijeme i da se dobro raspoloženje ničim ne može pokvariti.

- Volim Savu, volim druženje. Svi koji plove Savom vole rijeku, ribolov, šalu. Učestvovao sam i na „Drinskoj regati“ više

puta. Ova regata je mirnija, bezbjednija. Naša ekipa iz Sremske Rače uvijek je kompletna za ovakva druženja. Zajedno radimo, družimo se, provodimo vrijeme u vikendicama, na Savi. Stalno smo na vodi - ističe Petrović, koji je pohvalio Gradsku upravu Bijeljina za organizaciju.

Lj. Lj.



Za sedam mjeseci u BiH uplaćeno 4,5 milijardi KM indirektnih poreza, 6,8 posto više nego 2018.

Prihodi od indirektnih poreza u sedam mjeseci 2019. godine iznosili su četiri milijarde i 558 miliona KM i veći su za 292 miliona KM ili 6,84 posto u odnosu na isti period 2018. godine kada su iznosili četiri milijarde i 266 miliona KM.

Prihodi od indirektnih poreza u sedam mjeseci 2019. godine iznosili su četiri milijarde i 558 miliona KM i veći su za 292 miliona KM ili 6,84 posto u odnosu na isti period 2018. godine kada su iznosili četiri milijarde i 266 miliona KM.

Nakon što je UIO privredi vratila 882 miliona KM povrata PDV-a godine, neto prikupljeni prihodi koji su otišli u raspodjelu korisnicima u sedam mjeseci 2019. godine, a to su država, entiteti i Distrikt **Brčko** BiH, iznosili su tri milijarde i 676 miliona KM i veći su za 200 miliona KM u odnosu na prihode koje su sa Jedinštenog računa korisnici dobili u istom periodu 2018. godine.

Za finansiranje državnih institucija u sedam mjeseci 2019. godine raspoređen je iznos od 432 miliona KM. Federaciji BiH pripale su dvije milijarde i 57 miliona KM, Republici Srpskoj iznos od milijardu i 48 miliona KM, te **Brčko** Distriktu iznos od 112 miliona KM.

Po osnovu posebne putarine za izgradnju autoputeva i izgradnju i rekonstrukciju drugih puteva (0,25 KM), Federacija BiH je dobila dodatnih 115,5 miliona KM, Republika Srpska 76,3 miliona KM i Distrikt **Brčko** 3,9 miliona KM.

Razlika predstavlja rezervu na posebnom računu za putarinu u iznosu od 0,25 KM.



Održan najšareniji festival u BiH

Četvrti BiH Color Festival u **Brčkom** okupio je 5.000 posjetilaca iz cijele BiH, ali i Hrvatske, Srbije i Slovenije



Na najšarenijem festivalu u BiH bili su odličan program i dobra zabava. Četvrti BiH Color Festival u **Brčkom** održan je 2. i 3. augusta na poligonu bescarinske zone u **Brčkom**, okupivši gotovo 5.000 posjetilaca iz cijele BiH i regiona. Novo izdanje ovog jedinstvenog muzičko-scenskog spektakla pretvorilo je na dva dana **Brčko** u centar elektronske muzike u zemlji.

Festival je i ove godine ponudio mnoštvo zanimljivih sadržaja za sve posjetioce željne kvalitetnog elektronskog zvuka, te odlične zabave. Pripremljen je vrhunski kvalitet zvuka i binske opreme, kao i više od 30.000 vrećica boje, koje su upotpunile zabavu i uživanje u festivalu. Odličnu zabavu donijeli su DJ-evi na dvije bine u okviru festivala: Matroda, Saberz, Vreckvge, Eick Kasell, Mike Vale, Space Motion, Sinša Tamamović, Wise D & Kone. Dio programa su i Clay Clements, Pessto, Miloš Stankić, Mario

Eddie, Drop Sensei, Vandal Steve, Vill & Vash, Luis de Mark, Jelly For The Babies, Dražen Zimonjić, Mark Funk, Ricochet, Frankie NV, O&S, kao i mnogi drugi vrhunski izvođači.

Ovaj festival iz godine u godinu u **Brčkom** okuplja sve više mladih iz cijele BiH, kao i zemalja regiona. Mnoštvo različitih vrsta organskih boja i ovog petka i subote prekrilo je nebo

Osnivač festivala Miloš Stankić potvrdio je da je ovaj put zabilježen rast prodaje karata za 30 posto u odnosu na prošlu godinu

iznad festivala u **Brčkom**. Koncept festivala zasniva se na grupnom bacanju boja na svaki okrugli sat u ritmu muzike. Sve boje imaju međunarodni certifikat da nisu toksične, te su pravljenе od prirodnih sastojaka.

Osnivač festivala Miloš Stankić istakao je da je zadovoljan što festival iz godine u godinu raste, te je prepoznat i od vlasti u **Brčko** distriktue koji su ove godine podržale festival:

- Festival iz godine u godinu okuplja sve više mladih ljudi iz BiH i regiona, koji iz **Brčkog** odlaze prepuni pozitivnih utisaka i sa novim prijateljstvima. Imamo rast prodaje karata za 30 posto u odnosu na prošlu godinu. Najviše gostiju je iz BiH, zatim iz Hrvatske i Srbije, ali festival privlači sve više posjetilaca iz Slovenije. Ove godine smo se potrudili da prisutnima ponudimo mnogo dodatnih sadržaja i zanimljive sponzorske zone.

MIRELA SEKULIĆ